

INUIT ATAQATIGIIT

INATSISARTUNI



27. september 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

Apeqqutit:

- 1. Uummannap nunaqarfiinit meeqqat atuariartorlutik illoqarfimmi angerlarsimaffigisartagaat "Elevhjemmet" aserfallassimanerata kingunerisaanik nutaamik sanaartortoqarniarpa sanaartortoqassangippallu qanoq iliortoqarniarpa?**
- 2. Ilumoorpa Uummannami Hotel-i atuartut angerlarsimaffissaatut piukkunneqartoq?**
- 3. Taamaassimappat Hotel-imut tapiissutaasimasut assigiinngitsut qanoq inisissanersut eqqarsaatigineqarsimanerluni?**
- 4. Hotel-i Uummannamut tikeraat, ataatsimiigiat, suliaartortut il.il. unnuisarfissaattut atorunnaassagaluarpat tamanna inuussutissarsiornikkut allatigullu qanoq kinguneqassanersoq nalilersorneqarsimanerluni?**

(Inatsisartuni ilaasortaq Isak Hammond, Inuit Ataqtigiiit)

Tunngavilersuut:

Uummannami atuartut angerlarsimaffiat "Elevhjemmet" naluneqanngitsutut maannakkut ima aserfallassimatigaaq allaat meeqqanut angerlarsimaffigitissalugu illersorneqarsinnaajunnaarsimalluni. Uanga isumaga naapertorlugu ajornartorsiut qaangerniagassaavoq meeqqat nunaqarfinneersut illoqarfimmi angerlarsimaffissaannik nutaamik sanaartortitsinikkut. Maannali "Elevhjemmet-imut" taarsiullugu Uummannami Hotel-i meeqqat illoqarfimmut atuariartortartut angerlarsimaffissaattut eqqartorneqartalersimavoq, tamannaavorlu apeqquteqaateqarninnut tunngaviusoq.